

**Maishiy iste'molchilar (shuningdek oilaviy korxonalar)ga
tabiiy gaz yetkazib berish bo'yicha
SHARTNOMA**

Shartnoma tuzilgan vaqt

Shartnoma raqami-son

Shartnoma tuzilgan joy

Shartnoma tuzish huquqini bergan tashkilot nomi, tashkiliy-huquqiy shakli tomonidan berilgan Yetkazib beruvchiga shartnoma tuzish huquqini beruvchi hujjat asosida faoliyat yurituvchi gaz ta'minoti tashkiloti Yetkazib beruvchi tashkilot nomi va tashkiliy huquqiy shakli Yetkazib beruvchi tashkilot rahbari lavozimi, Yetkazib beruvchi tashkilot rahbari F.I.O.si (bundan keyingi o'rinlarda "Yetkazib beruvchi" deb yuritiladi) bir tomondan va Iste'molchining yashash manzili manzilida yashovchi "Iste'molchi" (turar joy yoki obyekt mulkdori, ijarachisi) Iste'molchining F.I.O.si ikkinchi tomondan quyidagilar haqida mazkur shartnomani tuzdilar:

I. Shartnoma predmeti

1.1. Mazkur shartnoma bilan Yetkazib beruvchi o'zining gaz tarmoqlari orqali Iste'molchiga tabiiy gaz (keyingi o'rinlarda gaz deb ataladi) yetkazib berish, Iste'molchi esa iste'mol qilingan gaz uchun o'z vaqtida haq to'lash majburiyatini oladi.

1.2. Iste'molchi gazni faqat maishiy ehtiyoji uchun sotib oladi va undan foydalanadi (oilaviy korxona gazdan tadbirkorlik faoliyatini amalga oshirishda ham foydalanishi mumkin), shuningdek, o'z tasarrufidagi gaz tarmoqlaridan foydalanish xavfsizligini, foydalanayotgan gaz yonish qurilmalari va jihozlari, shuningdek gazni hisoblash priborlari (keyingi o'rinlarda hisoblash pribori deb ataladi) soz holatda bo'lishini ta'minlaydi.

II. Yetkazib berilgan gazni hisoblash

2.1. Yetkazib berilayotgan gaz miqdori:

- hisoblash priborlari ko'rsatkichlari bo'yicha;

- ular mavjud bo'lmagan hollarda esa Vazirlar Mahkamasining 2002-yil 28-martdagi 99-son qarori bilan tasdiqlangan Gazni hisoblash priborlari bo'lmaganda kommunal-maishiy ehtiyojlar uchun aholiga beriladigan tabiiy gaz sarfining oylik normalar bo'yicha aniqlanadi (*oilaviy korxonalar bundan mustasno*).

2.2. Hisob-kitob oyida yetkazib berilgan gaz hajmi Yetkazib beruvchi vakillari tomonidan hisoblash priborlaridan ko'rsatkichlarni yozib olish asosida, keyinchalik yozib olingan ko'rsatkichlarni billing tizimiga kiritish, shuningdek, iste'molchi tomonidan hisoblash olish priborlari ko'rsatkichlarini interaktiv xizmatlar vositalariga kiritish orqali aniqlanadi.

Tabiiy gaz iste'molini hisobga olish va nazorat qilishning avtomatlashtirilgan tizimi (keyingi o'rinlarda TGHNAT deb ataladi)ga ulangan, shuningdek, gazni hisoblash priborlariga ega bo'lmagan va belgilangan me'yorlar bo'yicha hisob-kitob qiladigan iste'molchilar bundan mustasno.

Hisob-kitob oyida hisoblash priboridan ko'rsatkichlarni yozib olinmagan taqdirda, iste'molchi bilan hisob-kitob joriy oyda gazni iste'mol qilish me'yorlaridan kelib chiqib va hisob-kitob oyda haqiqatda iste'mol qilingan hajmga aniqlik kiritgan holda amalga oshiriladi. Bunda ko'rsatkichlarga aniqlik kiritilgandan so'ng haqiqatda iste'mol qilingan gaz uchun qayta hisob-kitob amalga oshiriladi.

TGHNATga ulangan va belgilangan me'yorlar asosida hisob-qitob qilinadigan iste'molchilarga hisob-kitob oyida yetkazib berilgan gaz hajmi billing tizimi orqali avtomatlashtirilgan rejimda aniqlanadi.

2.3. Hisoblash priborining o'lchov (diapazoni) o'rnatilgan gaz qurilmalari quvvatiga mos kelishi kerak.

2.4. Hisoblash pribori Iste'molchining aybi bilan ishdan chiqqanda (hisoblash priborining qasddan buzilishi, unga zarar yetkazilishi, tashqi ta'sir ko'rsatilishi yoki yo'qolishi), uni almashtirish, ta'mirlash, tekshirish va o'rnatish bo'yicha sarf-xarajatlarning o'zni to'liq iste'molchi hisobidan qoplanadi.

2.5. Hisoblash pribori foydalanish uchun yaroqli ekanligini tasdiqlovchi hujjat, ishlab chiqaruvchi korxona tomonidan belgilangan shakldagi amal qiluvchi belgilar va tamg'alarga ega bo'lishi kerak.

2.6. Hisoblash priborining texnik holati va uni ta'mirlash uchun javobgarlik Yetkazib beruvchining zimmasiga yuklanadi.

2.7. Hisoblash priborlarini qiyoslov davriyligi 8 yil etib belgilanadi. Gaz hisobga olish priborlariga 2019-yil 1-noyabrga qadar rasmiylashtirilgan qiyoslash sertifikatlarining amal qilish muddati o'z kuchida qoladi.

2.8. Hisoblash priboriga tamg'a o'rnatish Yetkazib beruvchining mas'ul xodimlari tomonidan dalolatnoma tuzgan holda hamda Iste'molchi ishtirokida amalga oshiriladi.

2.9. Hisoblash priborlarining, shu jumladan o'rnatilgan tamg'alarning saqlanishi va butunligi uchun javobgarlik Iste'molchi zimmasiga yuklanadi.

2.10. Hisoblash pribori o'rnatilgandan keyin Yetkazib beruvchi tomonidan uch kun muddat ichida "Billing" tizimiga kiritiladi.

2.11. Hisoblash priborini almashtirish, ta'mirlash, xizmat ko'rsatish, tekshirish va sozligini monitoring qilish va qayta qiyoslovdan o'tkazish uchun yechib olish Yetkazib beruvchi tomonidan Iste'molchi ishtirokida amalga oshiriladi.

2.12. Hisoblash pribori Iste'molchining mulki bo'lganda uni almashtirish uchun yechib olish Iste'molchining arizasi asosida Yetkazib beruvchi vakillari ishtirokida amalga oshiriladi.

2.13. Mulkiy egaligidan kat'iy nazar hisoblash priborining qiyoslov muddati tugaganligi sababli yechib olish Yetkazib beruvchi vakillari tomonidan Iste'molchi yoki uning vakili ishtirokida belgilangan tartibda amalga oshiriladi.

2.14. Hisoblash priborining sozligini monitoring qilish uchun yechib olish Yetkazib beruvchi vakillari tomonidan Iste'molchi ishtirokida amalga oshiriladi.

2.15. Ushbu shartnomaning 2.11 va 2.12-bandlarida ko'rsatilgan holatlar bo'yicha yechib olingan hisoblash priborini (Iste'molchining mulki bo'lganda) o'rnatish Iste'molchining arizasiga ko'ra yoxud tegishli qiyoslov muddati tugagandan so'ng o'n to'rt ish kuni ichida Yetkazib beruvchi vakillari tomonidan amalga oshiriladi va mas'ul xodimlari tomonidan tamg'alanadi.

2.16. Ushbu shartnomaning 2.14-bandida ko'rsatilgan holatlar bo'yicha yechib olingan hisoblash priborini o'rnatish, monitoring tugaganidan so'ng kechiktirmasdan, darhol Yetkazib beruvchining vakillari tomonidan amalga oshiriladi va mas'ul xodimlari tomonidan tamg'alanadi.

2.17. Hisoblash priborining monitoringidan yoki tekshiruv natijalaridan norozi bo'lgan Iste'molchi yuqori turuvchi organ yoki tegishli sudga belgilangan tartibda murojaat qilishi mumkin.

2.18. Iste'molchi tomonidan quyidagi qoidabuzarliklar sodir etilgan taqdirda, Yetkazib beruvchining vakolatli xodimi tomonidan undan so'nggi ko'rik o'tkazilgan vaqtdan yoki oxirgi marta elektron tarzda ko'rsatkichlarni olingan kundan boshlab ulangan va foydalanilayotgan gaz qurilmalari bir kunda 24 soat to'liq quvvat bilan ishlashi hisobidan iste'mol qilingan gaz hajmining narxi amaldagi tariflar asosida undiriladi:

a) hisoblash priboriga qasddan shikast yetkazish;

b) uzib qo'yish moslamalari, gazdan foydalanish qurilmalari yoki gazni hisoblash priborida o'rnatilgan tamg'alarni qasddan buzish;

v) hisoblash priborisiz yoki uni chetlab o'tgan holda gaz iste'mol qilish, (Iste'molchiga belgilangan me'yorlar bo'yicha xizmat ko'rsatilgan holatlar bundan mustasno);

g) gaz quvurlari yoki gaz taqsimlash shahobchalarida (keyingi o'rinlarda GTSH deb ataladi), gaz taqsimlash tarmoqlarining texnologik ish rejimining buzilishiga olib keladigan qurilmalarni o'rnatish;

2.19. Iste'molchi Yetkazib beruvchining vakolatli xodimlariga, Energetika vazirligi huzuridagi "O'zneftgazinspeksiya" xodimlariga Yetkazib beruvchining vakili bilan birgalikda, ish kuni soat 08:00 dan 20:00 gacha tegishli guvohnomalarini ko'rsatgan taqdirda hisoblash priborlari va gaz asboblarini moneliksiz ko'zdan kechirish uchun kirish imkoniyatini ta'minlashi shart.

2.20. Yetkazib beruvchi va O'zneftgazinspeksiya xodimlarini Iste'molchi tomonidan hisoblash priborlari va gaz asboblarini ko'zdan kechirishga imkon bermagan yoki kiritilmagan taqdirda, ushbu holat dalolatnoma bilan rasmiylashtiriladi. Iste'molchi mazkur dalolatnoma bilan tanishib imzo chekishi lozim. Iste'molchi dalolatnomani imzolashni rad etgan taqdirda, dalolatnomada bu haqda belgi qo'yiladi. Rad etish holati kamida ikki nafar holislar va o'zini o'zi boshqarish organi vakili tomonidan tasdiqlanishi kerak. Iste'molchi dalolatnomani imzolashni rad etish sababini bayon qilish huquqiga ega va bu dalolatnomada qayd etiladi.

Dalolatnomaga imzo qo'yishni rad etish Iste'molchini gaz tarmog'idan uzib qo'yish uchun asos bo'ladi va u bu haqida ogohlantiriladi.

III. Hisob-kitoblarni amalga oshirish tartibi

3.1. Foydalanilgan gaz uchun hisob-kitob vakolatli organ tomonidan tasdiqlangan tariflar bo'yicha amalga oshiriladi.

3.2. Iste'molchi oy tugaganidan so'ng 10 kun mobaynida iste'mol qilingan gaz hajmi uchun tabiiy gaz iste'molini hisoblash priborlari ko'rsatkichlari yoki belgilangan me'yorlar asosida to'lovni amalga oshiradi.

TGHNATga ulangan Iste'molchilar esa oldindan to'lov miqdorini kiritadilar va ular bilan to'liq hajmda hisob-kitob avtomatik tarzda yuritiladi.

3.3. Iste'molchi tomonidan iste'mol qilingan gaz uchun to'lov bank muassasalari va kommunal to'lovlarni qabul qilish kassalari, shuningdek, elektron to'lovlar orqali yoki bevosita naqd bo'lmagan shaklda amalga oshirilishi mumkin.

3.4. Iste'mol qilingan gaz bo'yicha qarzdorlik mavjud bo'lganda Iste'molchiga tegishli bo'lgan doimiy yashash joyi bo'yicha ro'yxatga olingan voyaga yetgan jismoniy shaxslar qarzdorlikni to'lash bo'yicha solidar javobgar bo'ladilar. Voyaga yetgan jismoniy shaxsning solidar javobgarligi u maishiy iste'molchiga tegishli bo'lgan doimiy yashash joyi bo'yicha ro'yxatga olingan vaqtdan boshlab vujudga keladi va ro'yxatdan chiqarilgan vaqtgacha amal qiladi.

3.5. Iste'molchi gaz tarmoqlaridan quyidagi holatlarda uzib qo'yiladi:

- foydalanilgan gaz uchun hisob-kitob o'z vaqtida amalga oshirilmaganligi natijasida qarzdorlik mavjud bo'lganda;

- TGHNATga ulangan Iste'molchilar oldindan amalga oshirilgan to'lovlari miqdori tugayotganligi bo'yicha SMS (m3 yoki so'm) orqali uyali aloqa vositasiga ogoxlantirish yuborilgandan so'ng, oldindan to'lov tugagunga qadar bo'lgan davrda avtomatik tarzda o'chirilishi;

- Yetkazib beruvchining qonunchilikda belgilangan majburiy ko'rsatmalari bajarilmaganda, shu jumladan uning vakillarini hisoblash priborlaridan ko'rsatkichni yechib olishga qo'yilmaganda;

- gazni talon-taroj qilish, gaz tarmoqlariga noqonuniy ulanish yoki gazdan foydalanish qoidalarini buzishning boshqa holatlari yoxud gazning rejimini buzadigan, qo'lbola usulda yasalgan nostandart qurilmalar ulanganligi aniqlanganda;

- Yetkazib beruvchi gaz uchun qarzdor bo'lgan iste'molchilarni qarzni besh kun ichida uzish lozimligi haqida xabardor qilishni ta'minlaydi hamda xabardor qilingan vaqtdan boshlab besh kun muddat o'tgandan so'ng, qarzdorlikni qonunchilik hujjatlarida belgilangan tartibda majburiy undirish choralari ko'radi.

3.6. Shartnomaning 3.5-bandida ko'rsatilgan holatlar bo'yicha tarmoqdan o'chirilgan iste'molchilarni qayta tarmoqqa ulashda Iste'molchidan to'lov kunida amalda bo'lgan respublikada belgilangan bazaviy hisoblash miqdorining ikki baravari miqdorida haq undiriladi (TGHNATga ulangan va iste'molchining arizasiga (talabiga) binoan gaz tarmoqlaridan Yetkazib beruvchi tomonidan muqaddam uzib qo'yilgan Iste'molchilar bundan mustasno).

3.7. Yetkazib beruvchining ma'lumot bazalarida belgilangan tariflar o'zgarishiga (ortishi) qadar Iste'molchi amalga oshirgan to'lovlar haqidagi hisobga olinmagan hujjatlar aniqlangan taqdirda, ushbu Iste'molchi bo'yicha hisob-kitob (qayta hisob-kitob) to'lov vaqti (sanasi) amalda bo'lgan tariflar asosida amalga oshirilib, keyinchalik billing tizimidagi shaxsiy hisob raqami ko'rsatkichlariga tuzatish kiritiladi.

3.8. Foydalanilgan gaz haqining summasi hisoblash priborlaridan ko'rsatkichlarni olish vaqtida amal qilgan tariflar asosida hisoblanadi. Tariflar o'zgarganda, avval hisoblangan haq summasi bo'yicha tariflar o'zgarishiga qadar to'lov amalga oshirilmagan bo'lsa, qayta hisob-kitob qilinmaydigan qarzdorlik vujudga kelgan deb tan olinadi.

3.9. Tariflar o'zgargan hollarda gaz hajmi uchun bo'nak tariqasida to'lovni amalga oshirgan Iste'molchi ikki oydan ortiq bo'lmagan muddatga qo'shimcha to'lovlarni amalga oshirishdan ozod qilinadi.

3.10. Iste'molchining mazkur Shartnomaning 2.18-bandida ko'rsatib o'tilgan qoidabuzarlik holatlari, shuningdek, shaxsiy hisob raqamiga (belgilangan me'yorlar bo'yicha iste'mol qilingan gaz miqdorini hisoblash uchun Yetkazib beruvchining billing tizimiga) kiritilgan boshlang'ich ma'lumotlar (isitish maydoni, gazdan foydalanish uskunolari va yashovchilar soni) buzib ko'rsatilishi holatlari aniqlanganda, Iste'molchidan Yetkazib beruvchi vakolatli xodimining oxirgi tashrif buyurgan kundan yoki oxirgi marta elektron tarzda ko'rsatkichlarni olingan kundan boshlab, amalda aniqlangan ma'lumotlar asosida belgilangan iste'mol me'yori bo'yicha hisoblangan gaz hajmining haqi undiriladi.

3.11. TGHNATga ulangan Iste'molchining gaz tarmog'idan uzib qo'yilganda, Iste'molchi tomonidan to'lovlar amalga oshirilganda 5 minutdan oshmagan holda SMS kodi yuboriladi.

IV. Texnik xizmat ko'rsatish tartibi

4.1. Yetkazib beruvchi quyidagi hollarda mazkur Shartnomaning 4.3-bandida ko'rsatilgan muddatlarda Iste'molchining ichki gaz tarmoqlari, gazdan foydalanuvchi uskunalarini texnik taftishdan o'tkazadi va (yoki) ularga profilaktik xizmat ko'rsatadi:

a) "Yetkazib beruvchi"ning tasdiqlangan jadvaliga asosan;

b) Iste'molchining yozma yoki boshqa usulda berilgan talabnomaga muvofiq.

4.2. Yetkazib beruvchi Iste'molchi ishtirokida texnik taftish va (yoki) profilaktik xizmatni o'tkazib, bajarilgan ishlar dalolatnomasini rasmiylashtiradi. Yetkazib beruvchi bajarilgan ishlar sifat uchun javobgar hisoblanadi.

4.3. Yetkazib beruvchi tomonidan tasdiqlagan jadvallar va tariflar bo'yicha iste'molchilarning ichki gaz tarmoqlari va gazdan foydalanish uskunalarini quyidagi muddatlarda texnik taftishdan o'tkazish va ularga profilaktik xizmat ko'rsatiladi:

- ko'p qavatli turar joylardagi gaz plitalar, boshqa gaz priborlari mavjud bo'lmaganda – ikki yilda bir marta;

- turar joylardagi gaz plitalari, isitish, suv isitish priborlari – har yili bir marta, profilaktik xizmat ko'rsatish – har bir isitish mavsumi boshlanishidan avval.

4.4. Iste'molchi xaqiqatda ko'rsatilgan xizmatlar uchun to'lovni tasdiqlangan tariflar asosida amalga oshiradi.

Agarda xizmat ko'rsatuvchi korxona tomonidan xizmat ko'rsatilmagan taqdirda Iste'molchi tomonidan to'lovlar amalga oshirilmaydi.

V. Taraflarning huquq va majburiyatlari

5.1. Iste'molchi quyidagi huquqlarga ega:

- gaz standartlashtirish bo'yicha normativ hujjatlarda nazarda tutilgan hajmda va sifatda, uzatish rejimiga rioya qilgan holda uzluksiz yetkazib berilishini talab qilishga;

- gazni yetkazib berish shartnomasi bekor qilinganda, solishtiruv dalolatnomasi asosida foydalanilmagan gaz hajmi uchun to'langan summani qaytarishni talab qilishga;

- gazni yetkazib berish shartnomasini qonunchilik hujjatlariga muvofiq bir tomonlama bekor qilishga;

- gazni yetkazib berish to'xtatilganda yoki qisqarganligi natijasida yetkazilgan zararni qoplanishini talab qilishga;

- Yetkazib beruvchi vakilini gaz tarmog'idan uzib qo'yish va qayta ulash uchun qo'shimcha to'lovlarni amalga oshirmagan holda gaz priborini gaz ta'minotidan vaqtincha yoki doimiy uzib qo'yish uchun chaqirtirishga;

- oilaviy korxona yetkazib berilgan gazning aniqlangan hajmiga va boshqa parametrlarga norozi bo'lgan taqdirda, Yetkazib beruvchidan gazni hisoblash pribori ishlashining ishonchligini tekshirish uchun komissiya tashkil etishni talab qilish.

Iste'molchi qonunchilik hujjatlariga muvofiq boshqa huquqlarga ham ega bo'lishi mumkin.

Iste'molchining boshqa huquqlari

5.2. Iste'molchi quyidagilarga majbur:

- yangi turar joylarga ko'chib o'tilganda hamda mavjud uy-joy fondini gazlashtirish davomida gaz xo'jaligidan xavfsiz foydalanish qoidalari bo'yicha ko'rsatmalar olish;

- o'z tasarrufidagi gaz tarmoqlari, hisoblash pribori, uskunalar, shuningdek foydalanilayotgan yerto'lalar, texnik yo'laklar va boshqalarni soz holatda saqlash, elektr yoritish va ventilyatsiya tizimining doimiy ishlashini ta'minlash;

- binolar yerto'lalaridagi yer osti kommunikatsiyalarining zichligini, shuningdek, binolar qurilish elementlarining gaz tarmoqlari bilan o'zaro kesishgan joylarini kuzatib borish;

- o'z xizmat guvohnomalarini ko'rsatgan Yetkazib beruvchi xodimlariga favqulodda va avariya holatlarida kunning istalgan vaqtida, gaz sizib chiqish holatini tekshirish uchun barcha yerto'lalar, texnik yo'laklar, xonalarga kirishini ta'minlash;

- belgilangan tartibda tutun mo'rilar, mo'rilar kallaklari va ventilyatsiya kanallari holatini o'z vaqtida tekshirilishini tashkil qilish;

- tutun mo'rilar va ventilyatsiya kanallaridagi nosozliklar to'g'risida yong'in xavfsizligi xizmatlariga nosozliklarni tuzatish uchun zudlik bilan xabar berish;

- xususiy mulk huquqida tegishli bo'lgan turar joylarni buzilishi yoki qayta qurilishi haqida Yetkazib beruvchini yozma yoki elektron shaklda xabardor qilish;

- Yetkazib beruvchining qonunchilikda belgilangan majburiy ko'rsatmalarini bajarish;

- turar joy ichidagi gaz quvurini korroziyadan himoya qilish bo'yicha choralar ko'rish, muntazam ravishda bo'yab turish;

- tabiiy gazdan oqilona foydalanish;

- gaz anjomlarini yoqilgan holda qarovsiz qoldirmaslik va yosh bolalarga gazdan foydalanishga ruxsat bermaslik;

- foydalanilgan gaz va gazdan foydalanish uskunasi hamda uy ichi gaz tarmoqlariga xizmat ko'rsatish yuzasidan xaqiqatda bajarilgan ishlar uchun Yetkazib beruvchi bilan o'z vaqtida hisob-kitobni amalga oshirish;

- gaz priborini toza saqlash, taom tayyorlash jarayonida pribor yondirgichlarini ifloslanishdan saqlash;

- gazlashtirish loyihasi saqlanishini ta'minlash hamda uni Yetkazib beruvchi va boshqa vakolatli davlat organlari vakili talabi bilan taqdim qilish;

- yerto'la, yo'lak, hovli, ko'chada tabiiy gaz hidi sezilgan taqdirda, avariya xizmatiga "104" telefoni orqali xabar berish;

- gaz bilan to'lgan joylardan odamlarni olib chiqish, elektr yoritish tizimi yonib va o'chib qolishi, ochiq olov yoki uchqun paydo bo'lishini oldini olish choralarini ko'rish;

- Yetkazib beruvchi vakillarini tegishli guvohnomalarini ko'rsatgan taqdirda ish kuni soat 08:00 dan 20:00 gacha tabiiy gaz iste'molini hisobga olish priborlari va gaz asboblari ko'zdan kechirish uchun qarshiliksiz kirish imkoniyatini ta'minlash;

- gaz iste'molini hisobga olish priborlarining ko'rsatkichlarini o'zgartirish maqsadida uning ishlashiga to'sqinlik qiladigan xatti-harakatlarni amalga oshirmaslik, ularga qasddan shikast yetkazishni oldini olish va o'rnatilgan tamg'alarning butunligini ta'minlash.

Iste'molchilarning boshqa majburiyatlari

5.3. Yetkazib beruvchi quyidagi huquqlarga ega:

- texnik zaruratga ko'ra, ushbu shartnomaga muvofiq belgilangan tartibda Iste'molchini kamida 3 kun oldin xabardor qilgan holda gazni yetkazib berishni to'xtatish;

- gaz ta'minoti tarmoqlariga o'zboshimchalik bilan ulanish holatlari aniqlanganda, belgilangan tartibda gaz tarmog'idan uzib qo'yish;

- Iste'molchilardan tabiiy gazdan foydalanish qoidalari va gazni yetkazib berish shartnomasi talablariga rioya etishni talab qilish;

- gazni yetkazib berish shartnomasini qonunchilik hujjatlariga muvofiq bir tomonlama bekor qilish;

- gaz tarmoqlarida avariyaning oldini olish yoki bartaraf etish yuzasidan kechiktirib bo'lmaydigan choralarni ko'rish zarurati tug'ilganida, Iste'molchi bilan kelishmasdan va ogohlantirmasdan, zudlik bilan xabardor qilgan holda, gazni yetkazib berishni to'xtatish yoki cheklash.

Yetkazib beruvchining boshqa huquqlari

5.4. Yetkazib beruvchi quyidagilarga majbur:

- o'ziga qarashli bo'lgan gaz tarmoqlarini soz holatda saqlash va ularda o'z hisobidan ta'mirlash-tiklash ishlarini amalga oshirish;

- o'ziga qarashli bo'lgan gaz tarmoqlarining texnik holati va ulardagi ruxsatsiz ulanishlarni aniqlash uchun davriy ravishda ko'zdan kechirish;

- gaz yetkazib berish to'xtagan taqdirda bu to'g'risida Iste'molchini xabardor qilish;

- gazning ruxsatsiz iste'mol qilinganligi, gaz tarmoqlari moddiy boyliklarining talon-taroj qilinganligi to'g'risida huquqni muhofaza qilish organlarini xabardor qilish;

- Iste'molchiga gaz yetkazib berish shartnomasida kelishilgan shartlarda gaz yetkazib berish;

- Iste'molchiga yo'riqnomalar berish va xonada o'rnatilgan gaz priborlaridan xavfsiz foydalanish masalalari bo'yicha eslatmani topshirish;

- vakolatli davlat organlarining majburiy ko'rsatmalarini bajarish;

- Iste'molchining ichki gaz tarmoqlari, gazdan foydalanuvchi uskunalari texnik taftishdan o'tkazish va profilaktika xizmatlari ko'rsatish;

- Iste'molchini texnik xizmat ko'rsatish (taftish o'tkazish) sanalari haqida turar joylar yo'laklarida e'lonlar yoki boshqa mavjud usullar orqali kamida uch sutka avval ogohlantirish;

- Iste'molchining yozma yoki elektron buyurtmalari asosida, narxlarni tartibga solish organi tomonidan tasdiqlangan tariflar bo'yicha, quyidagi muddatlarda gazdan foydalanish uskunalari ta'mirlash:

tabiiy gaz sizib chiqishida – darhol;

taom tayyorlash (gaz plitasi) uchun mo'ljallangan gazdan foydalanish uskunalari nosozligida – bir kun davomida;

isitish mavsumida isitish uchun mo'ljallangan gazdan foydalanish uskunalari nosozligida – bir kun davomida;

issiq suv va isitish uchun mo'ljallangan gazdan foydalanish uskunalari nosozligida (isitish mavsumidan tashqari vaqtda) – ikki kun davomida;

gazdan foydalanish uskunalari almashtirishda – besh kun davomida;

- Iste'molchiga gaz iste'molini hisobga olish priborlari ko'rsatkichlarini har oyda kiritib borish, to'lovlarini amalga oshirish va interaktiv xizmatlarning boshqa imkoniyatlaridan foydalanish uchun haq undirmasdan shaxsiy kabinet ochish imkonini berish;

- Iste'molchi arizasiga asosan hisob-kitob ahvoli hamda iste'mol qilingan gaz uchun qarzdorlik mavjud emasligi (mavjudligi) haqida ma'lumotnomani ikki ish kuni ichida haq undirmagan holda taqdim etish.

Yetkazib beruvchi qonunchilik hujjatlariga muvofiq boshqa majburiyatlarga ham ega bo'lishi mumkin.

Yetkazib beruvchining boshqa majburiyatlari

VI. Taraflarning javobgarligi

6.1. Zarur miqdorda gaz yetkazib berilmagan holatda, Yetkazib beruvchi har bir kechiktirilgan kun uchun shartnomaviy majburiyatlar bajarilmagan qismining 0,4 foizi, biroq yetkazib berilmagan gaz umumiy qiymatining 50% foizi dan ortiq bo'lmagan miqdorda jarima (penya) to'laydi.

6.2. Yengib bo'lmaydigan kuch (fors-major) holati vujudga kelganda, Yetkazib beruvchi mazkur shartnoma shartlarini buzilishi uchun javobgarlikdan ozod etiladi.

6.3. Iste'molchi quyidagilar uchun javobgar hisoblanadi:

- gazdan mazkur shartnomada nazarda tutilgan shartlarga zid ravishda foydalanish;

- o'zboshimchalik bilan gaz ta'minoti tarmoqlariga ulanish yoki gazdan foydalanish qoidalarini boshqacha tarzda buzish, hisoblash priboriga va undagi barcha plombalariga qasddan shikast yetkazish yoki ko'rsatkichlarini o'zgartirish maqsadida tashqaridan aralashish.

6.4. Mazkur shartnomaning 2.18-bandida ko'rsatilgan holatlarda gaz hajmlari narxining undirilishi Iste'molchini qonun hujjatlarida belgilangan javobgarlikdan ozod qilmaydi.

6.5. Olingan gaz uchun to'lov o'z vaqtida amalga oshirilmagan taqdirda, Yetkazib beruvchiga har bir kechiktirilgan kun uchun 0,1 foiz, biroq kechiktirilgan to'lov summasining 50 foizdan ortiq bo'lmagan miqdorda jarima (penya) to'lanadi.

VII. Korruptsiyaga qarshi talablar

7.1. Shartnomaning har bir tomoni o'ziga nisbatan qo'llaniladigan barcha, shu jumladan O'zbekiston Respublikasi amaldagi qonunchilik va normativ-huquqiy hujjatlardagi Korruptsiyaga qarshi tegishli shartlar va talablarni tushunishi haqida bir-birini ishonitiradi va ularga amal qilishini kafolatlaydi.

7.2. Iste'molchi ushbu shartnoma amalda bo'lgan butun davr mobaynida u (shuningdek uning mansabdor shaxslari, direktori, xodimlari, agentlari va boshqa vakillari) Yetkazib beruvchining manfaatlarida uning agenti yoki vakili sifatida harakat qilib, Yetkazib beruvchining hamda O'zbekiston Respublikasi amaldagi qonunchilik va normativ hujjatlarining Korruptsiyaga qarshi tegishli shartlari va talablariga qat'iy rioya etish majburiyatini oladi.

VIII. Yakunlovchi shartlar

8.1. Mazkur Shartnoma Iste'molchi gaz tarmoqlaridan amalda uzib qo'yilguniga qadar, taraflarning o'z zimmasiga olgan majburiyatlarni bajarilishi qismi bo'yicha esa ularning to'liq bajarilguniga qadar amal qiladi.

8.2. Shartnomani amal qilish muddati davomida qonunchilik hujjatlarida o'zgarishlar ro'y bergan taqdirda, mazkur shartnoma qonun hujjatlariga muvofiq lashtirilishi lozim.

8.3. Taraflar mazkur shartnomani bajarish jarayonida yuzaga keladigan barcha kelishmovchiliklar va nizoli masalalarni muzokara yo'li bilan hal qilish majburiyatini o'z zimmasiga oladi. Kelishmovchiliklarni muzokara yo'li bilan hal qilish imkoni bo'lmaganda, ular sud tartibida hal etiladi.

8.4. Ushbu shartnoma taraflarning har biri uchun ikki nusxada tuzilgan, har ikkala nusxa bir hil yuridik kuchga ega.

8.5. Yetkazib beruvchi va Iste'molchi gaz yetkazib berishda, uni iste'mol qilishda, shuningdek, o'zaro hisob-kitob qilishda mazkur shartnoma va qonunchilik hujjatlari normalariga amal qilishga majburdir.

8.6. Shartnomaga taraflar imzo qo'ygandan boshlab Shartnomaning amal qilish muddati muddatga amal qiladi. Shartnoma muddati tugagach, taraflardan biri uni uzaytirish yoki bekor qilish haqida ariza bermagan taqdirda, shartnoma keyingi yilga uzaytirilgan hisoblanadi. Shartnomani bekor qilish haqidagi talabnoma, bildirish xati va boshqalar shartnomaning amal qilish muddati tugashidan bir oy oldin berilishi kerak.

IX. Taraflarning yuridik manzili, rekvizitlari va imzolari

“Yetkazib beruvchi”

Manzil: Yetkazib beruvchi tashkilotning manzili

Pochta manzili: Yetkazib beruvchi tashkilotning pochta manzili

KTUT kodi: Yetkazib beruvchi tashkilotning KTUT kodi

XXTUT: Yetkazib beruvchi tashkilotning XXTUT kodi

Bog'lanish telefoni: Yetkazib beruvchi tashkilotning aloqa raqami

To'lovlar uchun bank hisob-raqami: Yetkazib beruvchi tashkilotning bank hisob-raqami

Bank nomi: Yetkazib beruvchi tashkilotning bank nomi

FPM : Yetkazib beruvchining FPM raqami

STIR: Yetkazib beruvchining STIR raqami

Rahbar: Yetkazib beruvchi tashkilot rahbari lavozimi Imzo: _____

“Iste'molchi”

Manzil: Iste'molchining yashash manzili

shaxsiy hisob raqami: Iste'molchining shaxsiy hisob raqami

STIR: Iste'molchining STIR raqami

INPS: Iste'molchining INPS raqami

Bog'lanish uchun telefonlar:

Uyali aloqa: Iste'molchining uyali aloqa raqami

Uy: Iste'molchining uy telefoni raqami

Pasport seriya va raqami: Iste'molchining pasport seriya raqami

Iste'molchiga pasport berilgan hudud IIB tomonidan berilgan

Pasport berilgan sana Iste'molchiga pasport berilgan sana

Iste'molchining F.I.O.si Imzo: _____

M.O'.

20 __ yil “ __ ” _____ dagi
_____ - son shartnomaga 1-ilova

**O'rnatilgan gaz qurilmalarini xavfsiz ishlatish bo'yicha
KO'RSATMA VA ESLATMA**

Tabiiy gaz (metan) – rangsiz, zaharli gaz hisoblanadi va shu sababli binolardagi gaz quvuridan sirqib chiqqan hollarda sezilmaydigan gazli havo aralashmasi paydo bo‘lishi mumkin.

Kundalik hayotda gazdan xavfsiz foydalanish uchun uning tabiiy xususiyatlarini va quyidagi qoidalarga rioya etish zarur:

1. Xonada gaz hidi paydo bo‘lganda, darhol gaz qurilmalarining og‘zini berkitib, deraza va eshiklarni ochish, yelvizak hosil qilish va telefon orqali

104 avariya xizmatini chaqirish zarur. Olov yoqmaslik, chekmaslik, elektr yoritish asboblari va elektr qurilmalarini yoqmaslik, elektr qo‘ng‘iroqlardan foydalanmaslik, gazlangan hududdan odamlarni zudlik bilan olib chiqish kerak.

2. Gaz plitasidan foydalanganda oyna ochiq holda bo‘lishi lozim. Toza havo yetarlicha kelmaganda gaz oxirigacha yonmasligi mumkin va is gazi paydo bo‘ladi. Is gazi – metanning oxirigacha yonmagan mahsuloti. Rangsiz va hidsiz, o‘ta zaharli. Bino hajmining 10 foiziga yetarli is gazi yig‘ilganda va inson bir necha marta undan nafas olsa, uni o‘limga olib kelishi mumkin. Is gazi chiqishining belgilari: olovda sariq, qizil rang chiqishi.

3. Gaz qurilmasi nosozligida yoki gaz qurilmalari profilaktikasi uchun gaz xizmati ekspluatatsiya xodimlarini 104 raqami orqali chaqirish.

4. Mo‘rilar va ventilyatsiyaning normal holatda ishlashi, gaz isitish qozonlarini ishlatish payti va ishlatishdan oldin tyagani tekshirish.

5. Isitish mavsumi boshlanishida mo‘rilar holatini tekshirish.

Quyidagilarga yo‘l qo‘yilmaydi:

1. Gazda ishlaydigan qurilmalarini o‘zboshimchalik bilan gazga ulash, joyini o‘zgartirish, almashtirish va ta’mirlash;

2. Gazda ishlaydigan qurilmalar o‘rnatilgan binolarni me’riy shartlarga to‘g‘ri kelmagan holda qayta rejalashtirish;

3. Gazda ishlaydigan qurilma, tutun va ventilyatsion tizimlar konstruksiyasiga o‘zboshimchalik bilan o‘zgartirish kiritish, shuningdek, ventilyatsiya kanallarini to‘siq qo‘yish, mo‘rilarni tozalash uchun mo‘ljallangan “karman” va lyuklarni berkitib tashlash;

4. Xavfsizlik va boshqarish avtomatikasini o‘zboshimchalik bilan o‘chirish, gaz qurilmalari, avtomatika va armatura nosoz bo‘lganda ulardan foydalanish;

5. Devor qalinligi o‘zgarganida, gazlashtirilgan pech va mo‘rilar darz ketishida tabiiy gazdan foydalanish;

6. Mo‘ri va ventilyatsiya kanallarini tekshirish va tozalash to‘g‘risidagi dalolatnomaning yo‘qligi yoki uning vaqti tugaganida tabiiy gazdan foydalanish;

7. Mo‘ri va ventilyatsiya kanallarini o‘zboshimchalik bilan tozalash;

8. Yopiq oynalar, jalyuzili panjaralar, ventilyatsiya kanallari panjaralari yopiq bo‘lganda, vanna va oshxona eshiklari ostida teshiklar hamda mo‘ri va ventilyatsiya kanallarida tyaga yo‘qligida gaz qurilmalaridan foydalanish;

9. Ishlab turgan gaz qurilmalarini qarovsiz qoldirish, to‘xtovsiz ishlovchi va bunga munosib avtomatikaga ega bo‘lgan qurilmalar bundan mustasno;

10. Maktab yoshidagi bolalarni hamda o‘zini boshqara olmaydigan va gazdan foydalanish qoidalarini bilmaydiganlarni gazda ishlaydigan qurilmalardan foydalanishini taqiqlash;

11. Gaz quvurlariga arqon bog‘lash va ularga yuk qo‘yish;

12. Gaz va gazda ishlaydigan qurilmalardan belgilangan maqsadda foydalanmaslik, xonalarni isitishda ulardan foydalanish;

13. Gazda ishlaydigan qurilmalar joylashgan xonalardan dam olish va uxlash maqsadida foydalanish;

14. Tabiiy gaz bor-yo‘qligini bilish uchun olov yoqib tekshirib ko‘rish (odatda bu maqsadlarda sovunli emulsiya yoki maxsus qurilmalardan foydalanish lozim);

15. Gaz tarmoqlarida gaz taqsimlash tarmoqlarining texnologik rejimini buzuvchi nasos qurilmalarini o‘rnatish.

DIQQAT!

Gazdan foydalanish qoidalariga rioya qilmaslik inson hayoti uchun XAVFLI bo‘lishi mumkin!

Nafaqat yaqinlaringiz hayoti va mulki oldida, balki qo‘shni va boshqa fuqarolar oldidagi o‘z shaxsiy javobgarligingizni

U N U T M A N G !

Sizning xavfsizligingiz o‘z qo‘lingizda!

20 __ yil “ __ ” __ dagi
__ - son namunaviy shartnomaga 2-ilova

“Iste’molchi”ning yashovchilar soni hamda gaz uskunalarining
texnik parametrlari haqida
MA’LUMOTLAR

T/r	Nomlanishi	Shu jumladan yillarda				
		2021 y	2022 y	2023 y	2024 y	2025 y
1	Yashovchilar soni					
2	Isitiladigan hajm (metr kub)					
3	Hisoblash qurilmasining zavod raqami, turi va markasi					
4	Hisob qurilmasining amal qilish muddati					
5	O‘rnatilgan qurilmalar:					
	2 komforkali gaz plitasi					
	3 komforkali gaz plitasi					
	4 komforkali gaz plitasi					
	__ komforkali gaz plitasi					
6	Gaz o‘chog‘i					
7	Isitish pechi (OP), isitish-qaynatish pechi (OVP)					
8	Oqimli suv qizdirgich (Gaz kolonkasi)					
9	Suv qizdirgich (Yog‘ochni yoqish kolonkasi)					
	AGV-80					
	AGV-120					
	AOGV-11/6					
	AOGV-15					
	AOGV-23					
	VNIISTO					
	Ariston					
10	Boshqa qurilmalar _____					
	Boshqa qurilmalar _____					
	Boshqa qurilmalar _____					
11	Uy hayvonlari soni:					
	Ot					
	sigir					
	cho‘chqa					
	qo‘y (echki)					

	<i>Boshqalar</i> _____					
	<i>Boshqalar</i> _____					
	<i>Boshqalar</i> _____					
12	Me'yor bo'yicha oylik to'lov:					
	<i>yo'zgi (so'm)</i>					
	<i>qishki (so'm)</i>					
	<i>Tarif bo'yicha yillik to'lov (so'm)</i>					

Kelishilgan:

Yetkazib beruvchi

Iste'molchi

**Yetkazib beruvchi tashkilot nomi va tashkiliy
huquqiy shakli**

Iste'molchining yashash manzili

Yetkazib beruvchi
tashkilot rahbari F.I.O.si _____

Iste'molchining F.I.O.si _____

Imzo Muhr

Imzo Muhr